

INSTITUT ZA ZDRAVLJE I SIGURNOST HRANE ZENICA
Ul. Fra Ivana Jukića broj 2
Zenica

Na osnovu Uredbe o postupku prijema u radni odnos u javnom sektoru u Zeničko-dobojskom kantonu (Službene novine Zeničko-dobojskog kantona broj: 2/24), članova 6. i 8. Pravilnika o radu Instituta broj:02-2042/26 od 12.06.2026.godine, te Odluke direktora Instituta o potrebi prijema, broj: 02-2393/26 od 30.06.2026. godine, raspisuje se sljedeći

JAVNI OGLAS
za prijem radnika u radni odnos na neodređeno vrijeme

Pozicije:

- Doktor medicine u Službi za epidemiologiju-1 izvršilac na neodređeno vrijeme;
- Viši laborant za mikrobiologiju u Službi za kliničku mikrobiologiju-1 izvršilac na neodređeno vrijeme;
- Pralja laboratorijskog posuđa-spremačica u Službi za tehničku podršku i zaštitu na radu-1 izvršilac na neodređeno vrijeme;

Opći uslovi:

- da je kandidat stariji od 18 godina, što se dokazuje dostavljanjem izvoda iz matične knjige rođenih;
- da je kandidat državljanin BiH, što se dokazuje dostavljanjem uvjerenja o državljanstvu;
- da kandidat posjeduje zdravstvenu sposobnost za obavljanje poslova radnog mjesta za koje se prijavljuje, što se dokazuje dostavljanjem originalnog ljekarskog uvjerenja, kao i dokaz o vakcinalnom statusu.

Ostali uslovi i kratak opis poslova za radna mjesta su sljedeći i to:

1. Doktor medicine u Službi za epidemiologiju

Posebni uslovi: VSS VII stepen, diploma medicinskog fakulteta, licenca nadležne komore,

Opis poslova: obavlja poslove doktora medicine u okviru sanitarnih pregleda, provodi edukaciju u vezi sa sigurnošću hrane i zaštite stanovništva od zaraznih bolesti, radi u epidemiološkoj ambulanti kod prijema pacijenata, učestvuje u sprovođenju kampanja i drugih preventivno-promotivnih aktivnosti Instituta, učestvuje u radu Službe školske higijene po zahtjevu načelnika Službe školske higijene i nalogu rukovodioca Zavoda i tom prilikom obavlja sljedeće poslove, provođenje kliničkog pregleda u okviru preventivnog pregleda školske djece, ispitivanje prehrambenih navika školske djece, provođenje obuke nastavnog i drugog osoblja u školama u vezi sa zdravljem učenika i faktorima rizika, planiranje i provođenje predavanja i tribina za roditelje i staratelje, vođenje određenih evidencija.

Postupak izbora kandidata zasniva se na razmatranju dostavljene dokumentacije i rezultata pismenog dijela ispita i intervju sa kandidatom.

2. Viši laborant za mikrobiologiju u Službi za kliničku mikrobiologiju

Posebni uslovi: VSS VI stepen, odnosno diploma stečena nakon 2 ili 3 godine univerzitetskog obrazovanja ili VSS I stepen zdravstvenog smjera, licenca nadležne komore, 6 mjeseci radnog iskustva u struci

Opis poslova: vrši pripremu sredstava i materijala za rad (pribora, posuđa, hemikalija, rastvora, aparata i ostalog pribora), vodi laboratorijski dnevnik o izvršenim pregledima (protokolisanje uzoraka,

uvođenje rezultata u protokol, pisanje i otprema rezultata), sastavlja i otprema periodične izvještaje o radu laboratorije, brine se o provođenju programiranog dnevnog reda i nabavci sredstava za rad, brine se o pravilnom čuvanju infektivnih, otrovnih i zapaljivih materijala u laboratoriju, rukuje sa svim električnim i drugim aparatima, prima materijal na analizu i uvodi ga u laboratorijski protokol, obavlja sve pripremne radnje u cilju obrade primljenog materijala, stara se o dovoljnim količinama pribora za obradu materijala, spravlja, razlijeva i sterilize hranjive podloge.

Postupak izbora kandidata zasniva se na razmatranju dostavljene dokumentacije i rezultata pismenog dijela ispita i intervjua sa kandidatom.

3. Pralja laboratorijskog posuđa-spremačica u Službi za tehničku podršku i zaštitu na radu

Posebni uslovi: NK- završena osnovna škola

Opis poslova: pere laboratorijsko staklo, priprema ga za sterilizaciju i slaže u sterilizator, čisti prostorije i aparature, po završetku rada vrši kontrolu električnih uređaja, slavina, kao i svega ostalog što bi moglo da izazove požar i eksploziju, odnosi prljav i donosi čist veš, kao i potrošni materijal, svakodnevno odnosi u prijemnu ambulantu potrebnu staklariju, plastiku i drugo donosi primljeni materijal iz prijemne ambulante.

Postupak izbora kandidata zasniva se na razmatranju dostavljene dokumentacije i održanog intervjua sa kandidatom.

Kandidati su dužni uz popunjen prijavni obrazac (**preuzeti na web stranici www.inz.ba**) priložiti ovjerene kopije dokumenata koji su dokaz općih i posebnih uslova traženih javnim oglasom i to:

- Potpisana biografija,
- Diploma o završenom obrazovanju koje se traži za određenu poziciju;
- Licenca nadležne komore (za poziciju 1. i 2.)
- Uvjerenje/potvrdu o radnom iskustvu nakon završenog obrazovanja (pozicija 2)
- Uvjerenje o državljanstvu (ne starije od šest mjeseci računajući od datuma objavljivanja konkursa)
- Izvod iz matične knjige rođenih
- Potvrda nadležne ustanove o vakcinalnom statusu (dostavlja samo izabrani kandidat)
- Ljekarsko uvjerenje (dostavlja samo izabrani kandidat)

Radno iskustvo na poslovima sa traženom stručnom spremom koja je predviđena za radno mjesto koje se popunjava dokazuje se potvrdom izdatom od prethodnog poslodavca ili izvodom iz matične evidencije PIO/MIO.

Prijave kandidata moraju biti vlastoručno potpisane. Jedna prijava u zatvorenoj koverti odnosi se samo na jednu poziciju u javnom oglasu. Kandidat je dužan na koverti napisati svoje ime i adresu, te poziciju na koju se prijavljuje u suprotnom se ista odbacuje.

Kandidat slanjem svoje prijave daje saglasnost Institutu za zdravlje i sigurnost hrane Zenica da njegove lične podatke obrađuje u postupku selekcije u skladu sa važećim Zakonom o zaštiti ličnih podataka.

Kandidat koji bude izabran dužan je u roku od tri dana dostaviti izjavu o prihvatanju zaposlenja te svu traženu dokumentaciju u originalu ili ovjerenoj kopiji, a čija ovjera nije starija od 6 mjeseci, od dana objave oglasa.

Javni oglas ostaje otvoren 8 (osam) dana od dana posljednje objave. Javni oglas bit će objavljen u dnevnom listu „Oslobođenje“, na web stranici Instituta, Zeničko-dobojskog kantona i nadležne Službe za zapošljavanje.

Prijave na Oglas se mogu predati neposredno na protokol Instituta za zdravlje i sigurnost hrane Zenica ili putem pošte na adresu:

**Institut za zdravlje i sigurnost hrane Zenica
ul. Fra Ivana Jukića br. 2.**

72 000 Zenica

Sa naznakom „Prijava na javni oglas, za poziciju broj _____ Ne otvarati“

Dostavljena dokumentacija uz prijavu na Javni oglas će se vratiti kandidatima putem pošte ili na njihov zahtjev, nakon isteka roka u kojem je Institutu potrebno čuvati i obrađivati podatke u svrhu provođenja konkursne procedure i eventualnih pravnih lijekova. Lični podaci iz dostavljene dokumentacije obrađuju se isključivo u svrhu sprovođenja konkursne procedure, u skladu sa Zakonom o zaštiti ličnih podataka BiH (Službeni glasnik BiH broj: 12/25), i biće čuvani samo onoliko dugo koliko je to neophodno za realizaciju postupka i eventualne pravne radnje, nakon čega se sigurno brišu, uništavaju ili čuvaju u skladu sa internim propisima Instituta.

Kandidati imaju pravo pristupa, ispravke, ograničenja obrade, prigovora i druga prava propisana Zakonom o zaštiti ličnih podataka BiH.

Kandidati će putem e mail adrese biti obaviješteni o terminu održavanja intervjua ispita najmanje 5 dana prije održavanja ispita, dostavom skenirane obavijesti. Obavijest o istom će biti postavljen i na web stranici i na oglasnoj ploči Instituta za zdravlje i sigurnost hrane Zenica.

Ukoliko kandidat za radno mjesto za koje je predviđeno osnovno obrazovanje (pozicija broj 3.) ne pristupi intervju smatrat će se da je odustao.

Ukoliko kandidat za radno mjesto za koje je predviđeno više ili visoko obrazovanje (pozicija broj 1. i 2.) ne pristupi pismenom ispitu ili intervju smatrat će se da je odustao.

Nepotpune i neblagovremene prijave neće se razmatrati. Ispunjavanje uslova utvrđenih oglasom računa se danom predaje prijave.

Integralni tekst javnog oglasa će biti objavljen na web stranici Instituta i osnivača, a u dnevnim novinama će se objaviti obavijest o javnom oglasu.

Kontakt telefon za dodatne informacije u vezi provođenja konkursne procedure 032/448-013.



DIREKTOR

Dr. sc. Muamer Mandra, DVM

Broj: 02-2438/26

Zenica, 01.07.2026. godine

